

DISSERTATIO THEOLOGICA,

SISTENS

*CONSPECTUM SCIENTIÆ
PASTORALIS,*

IN USUM SEMINARII THEOLOGICI.

CUJUS PARTEM SEXTAM,

APPROBANTE MAX. VENER. FAC. THEOL. ABOËNSI,

MODERANTE

JACOBO BONSDORFF,

S. S. Theol. Profess. & Licent.

publico examini subjicit

JOHANNES GABR. KRIANDER,

Stipend. Reg. Satacund.

In Atrio Cancellariæ d. xvii Jan. MDCCCLIX.

b. p. m. f.

ABOE, Typis Frenckellianis.

demonstrationis agendum est, quem cum deliberativo genere (a Veteribus seorsim tractato) conjungendum esse, nemo non perspicit; Principia enim & præcepta religionis non tantum demonstranda sunt & commendanda, verum etiam examinanda & deliberatione quasi eruenda. Utroque autem in genere, persuadendi spectari consilium, quis non sponte intelligit? Quemadmodum autem Theologi, in fide Christiana definienda, notitiam & assensum s. persuationem distingvere frustra annisi sunt, quum hæc tamen ipsa non nisi pars sit sive gradus cognitionis, nullaque notitia veritatis sine intima persuasione mentis fana sit aut perfecta; ita quoque, quod Homiletici scriptores sigillatim proponunt officium Oratoris, ad docendum & persuadendum (intellectum puta), simplius tamen ad unum commode refertur caput. Igitur videamus, quomodo argumentum suum, ex religionis Christianæ ambitu petitum, exponere ac demonstrate debeat orator, ut mente sua comprehendant, intelligent, & persuadeantur, id est, ut justum, verum & bonum esse cernant auditores sui. Neque nos tantum discriminis esse putamus inter argumenta *dogmatica* s. *theoretica*, & *moralia* s. *practica*, ut diversam demonstrandi requirant subtilitatem in Oratore (quemadmodum MOSHEIM, BASTHOLM, NISMEYER judicarunt); Certum quidem est, alia ratio-

ciniorum methodo proponendam esse doctrinam de Deo, ejusque attributis, de Christo ejusque munere ac beneficiis, quam de hominum natura, corruptione, miteria & emendatione; *bæc* enim veritatum pars potius ab experientia quam e scriptura demonstrabitur, illa magis ad Scripturæ testimonia exigatur oportet, quam ad experientiam; Verum enim vero nulla est moralis veritas, quæ non ad theoriam reddit, nullaque theoria de Deo & Christo, quæ morum non spectabit theoriam. Moralis s. practica theologia non est nisi theoria morum humanorum & legum Divinarum; Uſus vero ipſe docebit, quomodo in quaenque re definienda ac demonstranda versabitur orator Sacer, ut luas implere possit partes.

§. 2. Demonstrativum genus tribus absolvitur partibus: 1) *Definitio*ne una cum uberiori *explicatione* materiæ; 2) *Demonstratione* s. *Confirmatione*; & 3) *Refutatio*ne *contrarii*. Cave vero credas, omnes has partes ubivis in contionibus esse necessarias, ut potius tertia potissimum pars læpius tanquam otiosa prætermittatur. Immo in historica materie & analyticis concionibus confirmatio ipsa ut plurimum superflua videbitur.

Ipsa igitur *Definitio*, licet ad Logicam omnem subtilitatem non exigi semper debat, vera tamen sit & accurata, simplex,

popularis & auditorum capui accommodata. Sine veritate quid est quod intellectum afficeret posit? Eto ex. gr. thema orationis: *Summum solamen mentis ex mortis Jesu vicariæ doctrina derivandum.* Nisi mortem Jesu a Deo in pœnæ exemplum atque ad remissionem peccatorum acceptatam & destinatam definieris, sed utpote martyrium quoddam voluntarium pro sua confessione exhibitum adumbraveris, male & contra Bibliam veritatem ageres. Porro *accurata & adæquata* sit definitio; e. c. Fides est certa mentis *persuasio* de Deo & Christo, atque cordis intima *fiducia*; Quod si vero addas *studium obsequendi* legibus Divinis s. nisum pietatis, plus exhibetur in definitione, quam fidei vel fiduciae nomen continet. *Simplicitas* quoque & *aptitudo* adlit in quavis re, sive historica sive dogmatica declaranda; Quis enim fidei notionem sibi informabit, si dicatur apprehensio meriti Christi, s. oculus animi, s. manus, qua Christum recipimus, s. adminiculum *ληπτιμονίας*? Quis aptum plebis institutioni ac peritvalioni pronuntiabit, ita definire pœnitentiam, ut sit moralis lucta inter principium bonum & malum e. s. p? Una cum definitione uberior quoque conjungatur expositio doctrinæ, tum universæ, tum per omnes suas partes, genus, speciem, considerandæ. In analyticis commoda est paraphrasis sive commentatio qualis ap.

BELTER & LESS invenitur; in syntheticis vero uberior requiritur illustratio rerum maxime salutarium. Homines enim, ex vulgo, utpote intelligendo & attendendo minus adiutati, non possunt veram certamque rerum ideam sibi formare ac retinere, nisi repetitis vicibus variisque sub verborum formis representata, exemplis & imaginibus valde familiaribus illustrata, nec non ex omni parte tractata fuerit. Quæ explicandi ubertas, quamquam in philosophico genere non nihil tædii moveat, in oratorio tamen negotio utilis, necessaria aptissimaque censebitur; Sine ea nempe vix persuadere animos auditorum, ut vulgo sunt, rudiorum & mixtorum, poterunt concionatores. Copiam vero oratoriam nemo prudens cum ineptissima tautologia aut vano verborum fluxu commutabit. In mysteriosis autem veritatibus penitus abstineant concionatores ab explicandi argutiis, satis habentes, si revelationis Divinæ presse inhærent verbis, & tropicum dicendi genus a proprio bene distingvant. Qui regenerationem e. c. cum natura i generandi negotio conferunt, lusisse magis quam illustrasse rem merito dixeris. Præstat quoque exponere, quomodo veritas, de qua quæritur, sit intime connexa cum aliis religionis nostræ capitibus; e. c. Si de gratia Dei operatione ad mentis emendationem disseritur, demonstrandum est, cohærente hanc

hanc veritatem cum idea præsentiae Divinæ, nec contrariam esse libertati humanae.

§. 3. *Confirmatio* autem præcipua est demonstrationis sive institutionis pars, atque continetur ipsis argumentis & rationibus; non enim sufficit dixisse aut definivisse, sed probaste. Probatio igitur sive excogitatio causarum totam occupabit oratoris attentionem diligentiamque, ut quasi transire ad auditorum persuasionem veritas poscit. Videntur vero est, qualia sint argumenta, unde petenda, & quoniam ordine proponenda. *Primo*, qualia & quocum delectu adferantur, dispiciendum; Huc pertinet: *gravitas* scilicet pondus (non enim numeranda sed ponderanda sunt argumenta); *copia* & amplificatio argumentorum; *Perspicuitas*, sine qua actum ageretur in omni re demonstranda; & *aptitudo*, ut cogitandi modo audientium congrua sint ac femet insinuant. Etenim non omnibus eadem vim probandi adferunt argumenta, fortissima licet; verisimilia saepius longe plus plebem efficiunt. Procul ergo sit oannis subtilitas Scientifica & erudita, una cum ratiocinandi modo Philosophico, abstruso & perplexo. Simplicitas enim argumentorum maximam vim in mente rudiorum persuadenda exercere solet, unde sit, ut qui ægrius ad captum vulgi descendat, ægrius quoque ejus attentionem excitare valeat. Nihil tamen impedit, quominus syllogismis

familiaribus interdum utatur orator; conf. ERNESTI *In Rhet.* Cap. X. §. 121. Dilputa tuum vero saepius fuit, utrum ad vanas hominum opiniones demittere se orator facer aliquando debeat, aditum sibi ad longe graviora instillanda principia paraturus. Prosvocatur non modo ad institutorum vulgarem methodum, verum etiam Christi & Apostolorum morem, præjudicatis suæ gentis opinionebus, ubi innoxiae aut indifferentes videntur, aliquando parcendi cedendique. Atque, ut vera fateamur, profecto sapientissima fuit Servatori consuetudo, non modo intactas relinquere nonnullas suorum temporum, physicis & domesticis in rebus, parum accuratas opiniones, sed etiam ad eas interdum verbis alludere semetque accommodare eo quidem consilio, ut animos ad religionem ac vitæ emendationem tanto fortius pertraheret. An credere fas est, Christum, ut pote veræ religionis restauratorem, quidquam in re longe saluberrima valuisse, si omnem opinionum vulgarium lusum, qualis Judaico maxime arrisit ingenio, insimul evertere studuisset; Annon id quoque plane impossibile fuisset? Est hæc nempe omnium temporum certa experientia, hæc Reformatorum, doctorum, legislatorum ac sapientum prudens cogitandi ratio. Videndum tamen est, quantum & quousque vulgi opinionibus cedendum atque accommodandum sit; Quin etiam

etiam opera danda, ut ubi capaces subtilioris eruditionis fuerint aut evadere possint homines ex plebe, sollicitius a suis avocentur præjudiciis vulgaribus. Conf. REINHARD *Moral.* Th. 2. §. 259. Contrarium tenent STORR *Opusc. Ac.* T. 1. BAUMGART. CRUSIUS, conf. Læsn i bland. Rel. amn. Fascic. 1.

Secundo quæritur de argumentorum fonte, qui duplex omnino cognoscitur esse, *Scriptura* nimirum *Sacra* (Divina revelatio t. institutio), & *humanae Rationis dictamen*; Ultimum & tutissimum cognoscendi principium exhiberi nobis in libris Divinitus patefactis, saniores nunquam dubitarunt, nec unquam dubitabilius, quamdiu Religioni ipsi sua constet sinceritas; Divinis quippe qui renuntiaverint oraculis, testimoniis ac auctoritati, quomodo aditum ad certam persuationem de veritate cœlesti invenient ipsi, aut aliis parabunt? Falso prælument nonnulli, subfite aut dubiae fidei esse auctoritatem Bibliam, rationis autem theoreticæ principia invictissima judicantes. Quod tamen si unquam apodictica, absoluta ac consummata Religionis concipi poterit ac obtineri certitudo, præprimis quidem ea ex Divino derivabitur testimonio. Philosophica enim demonstratio cum suis argumentis saepius vacillante, quicquid Christus Dei nomine expresse præcepit, quodque Apostoli ejus propriissimis verbis atque ex ejus mandato docuerint, id de-

demum ultimum erit vagabundæ mentis refugium, & abolutam merebitur fidem. Hinc ergo non modo in historicis religionis nostræ momentis, speciatim iis, quæ fata Iesu Christi exponunt, ad sacra hæc redeundum est monumenta, verum etiam in dogmaticis & moralibus ad infallibilem Dei & Christi provocabimus auctoritatem. Hinc summum conciliabitur orationibus Sacris robur præsidiumque. Sunt autem ipsa hæc bona sapienter, moderate & cum delectu adhibenda, ne in abusum versa contrarium producant effectum; Minime enim laudamus concionatorum quorundam, Biblica dicta & testimonia, pro quavis veritate demonstranda, nimis cumulandi & exaggerandi libidinem, neque eorum adprobamus institutum, qui Biblicis praesibus & sententiis totam fere circumfliunt orationem. Argumenta ex Bibliis Sacris derivata, sunt sive *directa*, sive *indirecta*; *expresa*, sive per *inductionem* ratiociniorum formata, (*κατὰ γένος, κατὰ διανοίαν*). Directa & expressa testimonia sunt, quæ totidem verbis leguntur & citantur, v. c. in probanda unitate Dei effatum Servatoris Joh. 17: 3. in Divina & sublimi Christi natura demonstranda Joh. 17: 5. 3: 13. 8: 56. Rom. 9: 5. Col. 1: 17. 2: 9. Ebr. 1: 2. 1 Joh. 5: 20. (conf. EWALD über die Grösse Jesus); De morte Iesu ad remissionem peccatorum Math. 26: 28. cæt. Indire-

rectae rationes, ex nexu & consilio orationis deponitæ, facile locum in concionibus ad textum Biblicum compositis invenient; quare usus omnino latisime patet. Sic Divinitatem Jesu Christi ex ejus mirabilibus factis, consummata doctrina & virtute innocentissimæ maiestate nemo non probabit; Pariter quoque Providentiam Divinam ex tot Judaicæ & Christianæ Ecclesiæ fatis —, expiationem Jesu vicariam ex rituum religiosorum Vet. Test. indole —, atque universam morum doctrinam e sublimi Dei maiestate, perfectionibus, promissionibus, legibus cæt. in Bibliis toties commemoratis quilibet jure demonstrabit. Pleraque enim, quæ pro veritate Religionis mentibus persuadenda proponimus, iusta ratiociniorum inductione ex laco hoc derivantur fonte, quare etiam ingratissimi sunt, qui apodicticam harum veritatum ac præceptorum certitudinem ex theoretnico rationis principio nudo volunt derivatam. Proinde ad Scripturæ amissim omnia, quibus ad persuadendum opus est, exigere convenit argumenta præcipua. Ea vero, cujuscunque sint indolis, directa aut indirecta, ita adhibeamus, ut 1) *pondus* ac *veritas* eorum perspiciatur; 2) *simplicitas* & *evidentia* intellectui auditorum pateat; 3) nec multa temere proferendo dicta Scripturæ, eademque exegeticis muniendo principiis, vanam ostentemus laudem ipsi, tediumque aliis

aliis facesamus. 4) Supercedendum quoque est nimio Scripturam citandi & allegandi studio, utpote inepto. conf. BASTH. *Predikosätt*, Cap. 15 NIEMEYER *Handb.* §. 51, FORTHAN *Disf. de Demonstratione Oratoria*.

Ratio humana, ut alter fons argumentorum, duplice ex parte vel Theoretica vel Practica, considerari solet; utraque tamen coincidit in ultimo suo criterio, experientia, omniaque precepta rationis speculativae s. objectivæ ex communi hominum sensu, interno & externo i. e. ratione subjectiva formata sunt, nec vim probandi & persuadendi habent, nisi quatenus ad certam hominum experientiam referri posint. Etenim Theoreticæ rationis principia non sunt nisi specialia philosophorum testimonia ac ratiocinia, ad universalem abstractamve formam s. theoriam redacta. Ubi ergo in rebus religionem atque moralitatem spectantibus ad hanc apoditicam provocatur regulam, hocque recte rationis dictamen, quivis facile intelligit, experientiam & sensum communem eo ipso laudari. Sunt quippe tanto hominum seniorum consensu ac experiendi modo plerique veritates morales confirmatae, ut universales statui debeant. Nisi vero ad propriam cuiuslibet hominis referantur cogitandi sentiendive rationem, vix fidem extorquebunt. Quæ rationis aliorum cum nostra, utriusque vero cum revelatione analogia, necessario
ab

ab Oratore Sacro spectabitur, ut pondus demonstrationi suæ addere posít. Quomodo enim alios perſuadebit, níl rationis principia communemque omnium ſenſum cum intimo cujuscunque auditorum ſenſu conjugat? Quum igitur arguments a virtutis ipſius pulcritudine, indole, honestate, & felicitate, ſive etiam ex contrario i. e. vitiorum ſumma turpitudine & infelicitate petantur, experientia certe eſt, quæ alios ante nos jamjam edocuit hanc eſe virtutis ac vitiorum contrariam naturam. His vero utens arguments Orator, minime ad ſubtilitatem Scholasticaṁ, f. constructionem philosophicam, & logicam ſyllogismorum artem, pugnasque eruditorum his de rebus descendere, ſed ſimplicem veritatem populariter ad auditorum ſuorum ſtatū applicare debet, atque Divinam voluntatem ſapientiſimamque conſtitutionem ſemper recolare tanquam ultimum moralitatis fundamentum; quo quippe modo optime patebit analogia rationis & revelationis. Quin etiam, in dogmatibus theoreticis de Deo, providentia, Christo & Oeconomia ſalutis exponendis, communia rationis principia, e conſideratione causarum & effectuum, coniſliorum & nexus rerum petita minime alpernari debeat orator, dubitari nequit. Sic veritatem de Christi expiatione ſufficiunt arguments ex poenarum civilium natura, humanæ naturæ ſensuali indole cæt.

de

derivata; Sic ideam Divinæ maiestatis insigniter confirmat consideratio mundi e. f. p.^a Hinc patet, non tantum religionis naturalis, verum etiam revelatae (qualis est de Christo) dogmata subjicienda esse rationis & experientiæ scrutinio. Quid enim est in toto revelatae religionis ambitu, quod ratiociniis philosophicis atque popularibus non confirmatur? Summam & apodicticam certitudinem infert Divinum testimonium, sed probabilitatem atque analogiam addit ratio ipsa, suis sapienter utens adminiculis. Propterea officium oratoris Sacri exigit, ut unacum Biblicis testimonij communia hominum reæ sentientium proferat ratiocinia, nec unquam justa ei denegabitur attentio. Posunt quoque fortassis aliquando privata nonnullorum doctorum judicia, testimonia & monita, ad veritatem quandam confirmandam interponi; posunt exempla hominum commendari aut vituperari; in primis vero in historicis religionis nostræ momentis v. c. de resurrectione Jesu, mirabilibus factis cæt. comprobantibus, testimonia doctorum primitivæ Ecclesiæ adserri rite posunt. Caveamus autem nobis ne, pristinum Homiletarum morem sequati, Patrum Ecclesiasticorum cæt. dicta otiose consilio & vanæ ostentationis causa allegemus. Aliud quippe est, demonstratione uti populari & oratoria, aliud scientifica & erudita. Immo pesimum esse, auctoritatem hu-

humanam cum Divina illa commutare velle, satis inde liquet, quod fallibiles sint utplurimum homines, infallibile autem Dei & Christi sit testimonium.

Quid perro de *Ordine* argumentorum statuendum sit, ipsius rei natura edocet. Philosophicus ordo sub meditando quidem, sed popularis & liberior in ipsa tractatione argumentorum observetur oportet. Præscribunt Homiletici Scriptores, infirmiora esse postponenda fortioribus, specialia generalioribus, humana testimonia Divinis e. f. p. In his tamen omnibus prestat naturam sequi ducem, & quid quovis loco optimum sit observare, ne artificium orationis nimis exquisitum aut coactum videatur. Ceterum in ipso modo docendi ac argumentandi, practicum quoque usum spectandum esse, ut quippe auditores vivide sentiant, res sibi proprias ingentem secum ferre utilitatem, necessitatem & cum vera virtute connexionem, clare admodum patet.

§. 4. *Refutationem* (elenchum) quamvis non omnibus in concionibus partem quandam constitutivam esse ultro deprehendimus, multis tamen in casibus eam auditorum usibus inservire, certum est, quam quod certissimum. Paulus ergo Tit. 1: 9. monet, αντιλεγοντας ελεγχειν contrasentientes arguendos esse, Gal. 6: 3. επισομιζειν os obturandum, atque Servator ipse sermonibus suis Pha-

Phariseos refutabat. conf. Math. 22, 23 Cap. Ne vero ea repetamus, que Cap. 1. de universo consilio orationum jam disseruimus, hic tantum observare licebit, quanam ratione errores ac prejudicia vulgi, unacum objectionibus vulgatissimis facillime possint debellari. Attentus ergo sit orator 1) ad eas objectiones sive errores, qui auditoribus non nullis saltim, revera insunt aut facile suboriri quacunque de causa posunt. Fingere sibi adversarium, multasque eruditorum quasi in scenam vulgi proferre contentiones, temerarium & ostentantem proderet oratorem. Quid attinet e. c. in probanda Iesu Divinitate omnia Socinianorum ac Antitrinitariorum adferre placita, heretes aut hereticos nominare, diffidare, & velut armatum contra eorum procedere tela. 2) Minutulas adversariorum in re testatissima dubitationes operiosius refellere, idem est ac fluctus in simpulo excitare; sed 3) graves & in humana vita communi gliscentes errores non sunt aequo & indifferenti animo tolerandi; Etenim qui omnem non movet lapidem hos mentibus crudiorum eradicare, ignaviter administrat doctoris sublimem provinciam. 4) Sine omni acerbitate, odio & vindictae cupidine reprehendendi sunt errantes, ut virtutis ac veritatis in viam pedetentim redeant. Refutatio igitur omnis sit *solida, vera, simplex, perspicua & opta, mansueta*, nec dispicere.

ſputandi pruritu, ſive ingenii oſtentandi cauſa, inſtituta. Quid porro de vitiis corrigendis animadveitendum, deinceps docebitur,

CAP. X.

2) *De Genere Exhortativo & Elenctico s. Pathetico.*

§. 1. Omnem Christianam doctrinam & institutionem, quam civibus Ecclefiae Iubminifirare ſtudebunt Oratores facri, ad animi veram perfectionem recta tendere via, adeoque argumentorum omnem apparatus, non tantum ad intellectum perſuadendum, ſed quoque animum fluctuantem moresque formandos conſerbi debere, res eft notissima. Quo nempe ſimplicior, verior & certior fuerit, & quaſi in ſuccum & ſangvinem convertatur demonſtrandi viſ, eo etiam propenſior erit voluntas ad eam ſectandam. Sola tamen veritatis confirmatione non ſemper valet ad animum emendandum; Sunt enim tot animi anfractus, tot ſenſuum fraudes, tot affectuum vehementiſimi motus, torque exemplorum, educationis pravæ, & conſuetudinum (habitu) fascinationes, ut vera quamquam videat intellectus, animus tamen læpius immobi-

bilis maneat. Operæ igitur pretium erit videre, quomodo Oratoria arte rite uti debeant doctores Ecclesiæ, ut mores hominum emendare, corrigere, flectere atque perficere possint.

§. 2. Videamus vero primo, cujus ambitus sit hoc genus *exhortativum* & *elencticum* s. morale, ne perperam credamus, illud ad affectus quosdam subitaneos movendos aut repr'mendos tantum esse compositum, quemadmodum Veteres quondam Oratores, politicis & domesticis in rebus, flectere auditorum animos affectusque allaborarunt. Longe enim sublimior & propterea difficilior est Oratorum Sacrorum in animi ipsius emendatione occupata provincia; quare etiam latius patere hocce consilium movendi in propatulo est. Moralis enim ac vera hominum perfectio non semper potest sine vitiorum correctione (elencho morali) absolviri. Hæc vero multiplex est, & generalis & specialis, directa vel indirecta. Institutionem in virtute Paulus vocat παιδειαν εν δικαιουνη; correctionem επανορθωσιν & ελεγχον. Renatis & veris Christianis illa, lapsis & impoenitentibus hæc proprie destinata est. Ut nempe Diva ipsa religio pro scopo suo habet, animum hominis radicitus emendare, emendatum in constanti virtutis retinere studio, fidemque & sanctitatem menti ingenerare, moresque externos atque affectus omnes

gra-

gravissimo Divinæ gratiæ regimini subjiceare, ita orationum sacrarum summa eo reddit, ut animus, mores & affectus ad inimutacionem ac perfectionem veram perducantur. Et quamquam certum sit, Divini Spiritus ac Verbi hoc esse opus, ex infelicissimo virtorum statu mentem revocare hominum, virtutumque omnium fœcundissima animis ingenerare semina; artis tamen oratoriæ est, hanc Divino operi, quod mediatur judicabitur, adjuvando, suos quoque omnes intendere nervos. Animi scilicet ac morum emendationem efficacissime promovebunt *argumenta* & *motiva*, affectus moderabitur & excitabit *affectuum* & *figurarum* prudens usus, sive *enthusiasmus* oratorius. Neque non valet imaginum usus atque orationis ornatus, ad mores affectusque commovendos auditorum; Quo vividius enim depinguntur res, eo fortius voluntatem afficiunt. Immo hæc summa est laus oratoriæ facultatis, ut quos vehementiores animi motus s. affectus excitare, compescere, moderari valuerit, eosdem quoque ad universam animi indolem vitamque humanam dirigendam componere studeat.

§. 3. Qua ratione *argumenta* ad persuadendum sint accommodanda, antea exposuimus; Praelucente vero intellectu, voluntas decernere & ad bonum flecti tanto melius poterit, quanto arctius sit inter utramque facultatem commercium. Quare nec abludum,

dum, quin verisimum esset statuere, argumenta ipsa, rei veritatem demonstrantia, ad voluntatem quoque pertinere, adeoque motiva virtuti præbere vividissima. Quidquid enim non solum e Divinis testimoniis, verum etiam naturæ humanae, legis & moralium actionum iudeo, ad perfruendum derivatur argumentum, arctissimum habet inter se cognitionem intimunque in universum sentiendi vivendique modum, influxum. Quum vero moris sit, *argumenta* ad intellectum pertinentia s. *rationes*, a *motivis*, animum flectentibus, discernere, variaeque sint res ad hanc potius quam illam facultatem afficiendam pertinentes; hæc ergo sigillatim adulisse juvabit.

Primum motivum ad animi emendationem propullulat ex sensu præsentiae Divinæ. Quo magis enim homines ad hanc ideam recurrunt, atq[ue] majestatis Divinæ, perfectionumve cæterarum piam cum eadem conjungunt memoriam, eo citius a peccatis absterreri, & ad Deum converti poterunt. Discant proinde concionatores, has semper veritates, de Deo & ejus attributis, speciatim de præfentia Divina, ad virtutem excitantam accommodare. Quid fortius ad vitia præcavenda valet, quam cum fistimus Deum ubivis justum esse vindicem, omissa scrutantem, intuentem, animadvertentem?

Se-

Secundum motivum a Divina gratiofissimo moderamine & auxilio, scilicet Spiritu Sanctissimi efficientia, petatur. Ut enim ubique praesens est Deus, ita quoque efficacissimus est & minime otiolus ad humanas dirigendas vires atque actiones, immo infinito & mediato modo libertatem hominum extendam. Hinc precum necessitatem nullo non tempore urgendam esse patet. Qui vero insolenter le gesletunt, hocque adminiculum pravissima levitate neglexerint, ægre tentualium irritamentorum excutere valebunt jugum & vitiis resiliere, veramque ad pœnitentiam, fidem ac caritatem pertingere. Pesime ergo agunt Oratores, qui optimum hoc animi inflaurandi non rite inculcant subsidium, sed alia quævis ex dignitate humana & virtutis pulcritudine tantum derivata commemorare fatagunt adminicula, Scripturæ & modelia Christianæ turpiter reclamantes. Abit, ut fanaticum ac stultam virium nostrarum, a Deo acceptarum, sociordiam commendemus; sed modello de nobis ipsis tentiamus necesse est, Deumque imploremus, omnia genæ fanaticatis atque talutis fontem.

Tertium motivum a Divina voluntate scilicet sanctissima dispositione deducitur. Siquidem ultimum hoc est moralitatis fundamentum, haec vera causa, cur a malis quibuscumque cogitatis, tentibus, desideriis, dictis factisque abstinere, sancta vero quævis a Deo nobis

bis injuncta exsequi debeamus. Infinita sunt Scripturæ loca, hanc comprobantia rem. Quis sublimiora, quis graviora unquam producere valebit virtutis & honestatis principia? Sed sunt hæcce intime connexa cum morali nostra felicitate & destinatione; quare

Quarto, Felicitatem summam hujus & futuræ vitæ statuimus efficacissima pietatis exhibere motiva, contra vero, infelicitatem misericordiamque hominis, sub peccati dominio misere luctantis, fortissimos addere ad pœnitentiam agendam stimulos. Tabulam hanc duplicem vitæ humanæ sollicite fistat Orator facer, atque ad ipsam experientiam quotidianam non minus, quam spem sive metum futuri ævi, auditores referat suos. Nititur quippe virtus non tantum spe futuræ felicitatis, sed etiam præsentis sui status jucundissimo, quem quotidie experitur, sensu; immo utrumque salutis modum involvunt absolutissimæ Dei promissiones, quemadmodum e contrario metum pœnarum hujus & futuræ vitæ ingenerant comminationes Dei certissimæ. Proinde peccatores & infideles coörcendi, castigandi, flectendi sunt hoc iusto Divinarum pœnarum, per omnem vitam infligendarum, metu; fideles autem ac pii Dei cultores ad constantem animi sanctitatem ex sensu felicitatis suæ excitandi, confirmandi. Ad ipsum modum futuri seculi pœnas sive proœmia adumbrandi quod attinet, eam observent

ora-

Oratores prudentiam, ut præsentis vitæ semper cum futura adjungant iconam, siquidem ex ea quasi per gradus ad infinita illa immortalitatis spectacula ascendimus. Nihil vero morabimur ineptientes illos philosophos, qui nullam salutem aut pœnam extra hujus vitæ extendunt pomœria. Quibus autem imaginibus intendum sit, postea enucleabimus.

Quinto, Exemplum Jesu consummatissimum, si quid aliud, efficacissime valet ad Christianam fidem alendam. Ut enim nulla datur aut concipi quidem poterit virtus, quam Christus non exactissime implevit; ita vividam ejus imaginem semper intueri atque secessari debent quoiquot nomen ejus profiterentur. Habet quoque exemplum mortis ejus tantam vim ad deterrendum a peccatis, ut illud merito pœnitentiæ somitem dixeris. Quare etiam Apostolos constanter ad utrumque hoc Jesu in vita & morte exemplum provocasle videmus. Cæterum amplissimam occasionem instillandi veram virtutem universa Jesu historia præbet, cuius nuda enarratio tæpius tantum, immo longe plus valuit, quam omnium Philosophorum præcepta, encomia, exempla. Quid enim attinet, Christianum cum Socrate aut alio quovis, vitii haud experte, conferre? Meminerint ergo concionatores sublimia hæc premere vestigia Christi, cuius quidem sanctissima vita continet

net illud: *non plus ultra*, omnibus tamen Christianis est ad unitandum proposita. Conf., HACKER *Jesus der Weisse von Nazareth.*

Sextum motivum, qu inquam nulto inferius, latet in *exemplis* cordatislimorum & piissimorum hominum in *historia Sacra* commemoratorum, qui si ex una parte testatum reddiderint, humani nihil ab ipsis alienum fuisse, ex altera tamen parte multa dederunt successae pœnitentiae ac emendationis, constantis fidei & animis in Deum Christianique, patientiae, justitiae, beneficentiae cæt. Specimina. Commendatur scilicet Abrahamus a Paulo ob fiduciam in Deum, Josephus ob castitatem ac amicitiam, David ob animi in suis agnoscendis peccatis integritatem cæterasque multis virtutes — ; laudantur merito tot pii Dei cultores in *Vet. Test.* toique Jesu confessores in *Nov. Test.* adeo ut nulla desint rem Christianam illustrantia exempla. Sed sunt quoque in *Biblio* multa pravissimorum hominum ad deterendum alios congella exempla, ut videamus, quantæ sit infelicitatis atque miseriæ, a vera pietatis deflectere semita. Nec male agunt Oratores sacri, qui e contrario & dissimili motiva petunt sanctitatis, siquidem contraria contrariis illucescant.

Septima ratio movens voluntatem ex sensu hominis morali detunitur. Sunt quippe nonnullæ ideæ morales adeo arcte cum ipsa

ipsa humanitate i. e. humana natura conjunctæ, ut vel levissima observatione hominum temet menti velut ingerant; adeo familiares, ut nullus ferme fanus de iis dubitare poscit; quare haud defuere, qui hasce ideas putarent innatas, sed immerito, quia ex communi omnibusque æquali senti atque rationis usu sponte nascuntur. Haec vero ideas a communi sua experientia depromentes homines, ut vulgo sunt, facile sentiunt discrimen boni & mali, veri & falsi, honesti & turpis; sentiunt & libere amplectuntur quæ bona sunt, sicutim apparent. Sed in appetendo bono & aversando malo, quanta sunt hominum divertia! Unde vero in ipso sensu morali tanta analogia & harmonia, nisi æqualitatem hominum naturalem in facultatibus ac juribus conspicuam, aut quosdam cum vita ipsa mechanica connexos instinctus, ad animum æque pertinere ponamus. Fundamentalis ex gr. est instinctus *vitæ* s. amoris proprii, & *sympathiae* s. socialis amoris; uterque autem, si vel maxime in origine sua, ut sensualis & mechanicus, ab æquali hominum constitutione pendeat, liberissimo tamen animi proposito definitur. Docet enim quemque sua experientia, 1) indelebilem sibi inesse nisum felicitatis & perfectionis, quam omni modo tibi comparare studeat. Hunc cœco quodam mechanismo animantia bruta sequuntur impetum, sed ad mo-

motalement ac liberiorem usum eundem referre posunt homines sensum; quem ergo excitandum & tanquam naturale quoddam motivum censendum esse, quivis intelligit. Felici ergo cum successu, plerisque in officiis Christianorum erga le iplos observandis, ad hunc amoris sensum provocare posunt concionatores, dum modo eam sollicite addant cautionem, amorem sui non ad fluxa haec & mundana bona tantum restringi, sed in primis ad moralia ac sempiterna spectare, atque Religionis sublimiori perfici subfudio. Felicitas omnis, sive praesens sive futura, nimirum amore nostri ipsius, quem animis nostris impresit summus viæ moderator, Deus. 2) Alter sensus phystico-moralis est *sympathia*, quæ cum nisu illo continuo ad socialitatem aucte cohæret. Quis nescit Servatorem sanctissimum Iepi amorem proximi commendasse, quia naturalis est & omnibus hominibus communis? quis amoris hujus fundamentum in naturali hominum æqualitate situm non deprehendit? quis demum eundem amorem aucto quodam vinculo cum nostri ipsius amore conjunctum plerisque in vitæ eventibus asserere dubitat, licet non propterea ad amorem proximi obligamus, quia commodum ex eo habemus, sed quia Deus eum iisdem juribus ac unumquemque nostrum instruxit. Haec aliaque sunt a concionatoribus observanda, in iis ma-

maxime orationibus, quæ socialia nostra explicabunt officia.

§. 4. Ita vero in universo hoc genere motivorum versabitur Orator, ut quid aptum, quid efficax & ad commovendum, corrigendum & emendandum animum auditorum una cum moribus accommodatissimum sit, felicitat, nec omnia in unum conferat. Propriorem antea perspectam sibi habeat opportet cognitionem seculi sui, auditorum & diversissimorum vitae statuum, ut sciat, quænam vitia in primis repræhendenda, quænam studia excitanda, qui mores confundandi, & qui affectus hominum temperandi sint e. f. p. Sunt quippe nonnulla vitia nationalia, alia infeliori ualendi forte, alia per pravam educationem, sive exempla aliorum, sive civilis vitae abulum ac negligentiam contracta, quibus omnibus medicina ac obicem ponere non valet, qui harum rerum imperitus est. Sciat religionis doctor principiis vitiorum obstare, quia fero medicina paratur; sciat elenchum moralem ita instituere, ne invidiam aut odium, sed ruborem, pudorem, prænitentiam & constantem peccati aversationem excitet; sciat amabilem ita siftere pietatem fidemque, ut constanti studio semet erectos sentiant ac confirmatos fideles; Sciat denique morum omnem puritatem ex animi ipsius fonte elicere, probe gnatus hominum quoque hanc esse infelicissimam artem,

tem, ut simulare pietatem, fidem, amicitiam sæpius studeant; verbo ut omnia complectamur: *admonitio* omnis solida, vera, fidelis & apta sit, neque non ex sincerissimo animi sensu derivata, quia mores oratoris vim exercunt in mores auditorum insignem. *Castigatio* vero sit seria, prudens, amica, sincera. Hinc fiet, ut succesum largiente Di-vino Spiritu multa in melius mutare valeat Ecclesiæ doctor, quæ antea deperdita fuerint & in perniciem profligata.

§. 5. Post argumenta & motiva, proximum nec infimum locum sibi vindicant *affectus* Oratoris Sacri, qui, instar fluminis exuberantis camposque irrigantis, non modo attentionem auditorum excitare, sed etiam animum eorum si etere ac commovere valebunt. Quum enim naturam ipsam hominis scrutamur, nullam reperimus in mente suboriri appetitionem sive aversionem, nullum sensum boni aut mali, qui non animum fortiter adeo occupet, ut vehementiorem sanguinis cieat motum corporisque totum perturbare videatur. Sunt hi vividiores animi & corporis motus (*affectus*) ita quoque cum Religione conjuncti, ut qui hanc tibi aut aliis rite persuadere voluerit, illorum instrumento commode carere nequeat. Docet quidem religio, quomodo affectus omnes moderari, temperare, compescere aut excitare debeamus constantis virtutis exercendæ causâ, sed

sed eadem quoque docet sublimis doctrina, affectuum fontes non esse penitus p̄cludendos, quia naturae nostriæ sunt familiares multumque proficii. Patet ergo, Oratorem Sacrum in id debere eniti, ut verum plūm concitatorum ejusmodi motum ab abuso dilcernere valeant auditoris. Sed nec minima prudentia requiritur in Oratore ipso, qui si affectibus aut destitutus aut male imbutus ipse fuerit, ægre omnino cœlestes veritates ad praxin auditorum accommodabit. Certum quidem manet, vim religionis Christianæ internam iusta rationum moventium promoveri demonstratione; dubio quoque caret, mores universos una cum animi sinecra emendatione, non a sensibus atque affectibus, qui volubiles sunt ac cito transeunt derivari, sed placida mentis meditatione, persuasione & experientia suffictum iri; interim tamen nulla ferme obvenit persuasio animi, quæ sponte sua kepius non in affectus erumpat; nulla motivorum datur applicatio aut præceptorum expositio, quæ vehementius non afficiat animum, signisque declarati amet incitatoribus. Si ergo sinecerissimo animatus fuerit Orator pietatis studio, purissimaque conflagraverit amoris suorum flaminæ adeo, ut sui ipsius exemplo affectuque ad emendationem, perfectionem conlantimque virtutem excitare valeat auditores; talem quoque necessario non tam induere quam ex-

primere debet mentis habitum, ut commovere, flectere, corrigere & prout temporis ratio fert, agere animos auditorum posuit. Fortiter enim mentibus impressa amoris, venerationis, fiduciae in Deum & Christum vestigia diutius haerent, & feminis instar frumentum proferunt uberrimum. Quod si vero tales non se exseruerint motus in ipso Ora-tore, quomodo fieri potest, ut alii eisdem nutriant apud se ac permovantur. In comiseratione aliis excitanda, ut quoque cæteris affectibus valet semper HORATII:

— — si vis me flere, dolendum est
primum ipsis tibi — tunc tua me infortu-
nia lœdent.

§. 6. Affluum omnium describere na-turam, vim modumque, a nostro initito a-lienum est. Precipuas tantum adferre juabit clastes, ad quas cæteri affectus haud ma-le referri possunt. Quatuor scilicet princi-pales, ex appetitu sive tuedio ortum ducentes, commotiones mentis (*passiones, affectus*) constituuntur: *Lætitia & Tristitia, Amor & Odium*.

Lætitia, utpote jucundos boni cuius-dam & felicitatis sensus, ex perceptione re-rum gratissimorum nascitur. Quo enim vi-vidius res cum salute nostra conjunctæ no-bis repræsentantur, eo plus animum delecta-tione perfundunt. Cuius lætitiae gradus sum-mus *gaudium & exultatio* vocari solet;

Front

Prout vero res fuerint præsentes, præteritæ aut futuræ, lætitiam inde variam animo in generatam sentimus. Præterita dulcissimorum rerum eventuumque momenta jucunda recolimus memoria, quia de novo velut pervadunt mentem & phantasie ope reproducuntur. Futuræ felicitatis, certo exspectatæ, sensum lætiorem, vulgatissimo *Spei* nomine appellamus. Neque tantum ob possessionem sive spem felicitatis grato oblectamur sensu, verum etiam quia mala quævis imminentia ablata experimur e. f. p. Christianæ igitur doctrinæ sublimia propositari doctores præcepta promissaque, quem spatiosissimum non ultiro invenient jucundissimorum rerum campum! quot ad exhilarandos nosinet non exhibentur infinitæ occasiones, quæ continua lætandi materies, quæ lucidissima futuri status spectacula! An possibile est, quemquam Oratorem sacrum nude & sine lætitiae affectu talia auditoribus sistere posse oblectamenta! Sicne se ipsum fervore quodam gaudii abreptum non sentiet, sed frigescere cum animum tum orationem patietur? Annon celiissimum Jesu affectum, toties de salute hominum exultantem, imitabimur, de propria & aliorum vera salute folliciti? Gratissimo qui condimus pectore memoriam liberationis, ex summo pœnarum horrore per Christum Servatorem paratæ, eandemne in gaudii plenisimum sensum erum.

erumpere non sinemus? *Tristitia*, ex opposito, doloris est tenus ex rebus ingratissimis oriundus, multosque habens gradus, quorum ultimus appellatur *desperatio*. Imminens ubi fuerit malum, an nus tentit se *metu* concussum; neque tantum proprias nostras dolamus, plangimus, metuimus plagas, sed tristem quoque ex aliorum infelici statu percipimus sensum, *sympathiam*, *commiserationem*, *pudorem*, & quae sunt reliqua. Haec jam omnia pro suo loco & tempore concionatori cognita & observata esse debere, non est quod multis demonstremus. Ineptissimus enim eset, qui tristibus in hujus vitae eventibus explicandis, non ipse doleret, nec aliorum miserareretur; immo iniquissimus eset, qui Jesu Christi, ignominiam opperentis subiectisque mortem, frigido enarraret affectu historiam, nec propriam suam & generis humani universi ignominiam subinde tristi speclaret oculo veritateque animo, cum innocentissimum pro peccatoribus supplicio dirissimo damnatum recogitaverit. Cæterum quomodo ad sympathiam incitat auditores suos concionator, qui documenta ejusdem affectus non ipse dederit?

Amoris tenuum, intimum illud studium ac desiderium boni, perfecti, sancti & veri, non solum ex representatione rerum, verum etiam per sonum, quibus varias inesse videamus perfectiones & pulchritudines, oriri,

ex Psychologia patet. *Odium* vice versa vehementiorem esse averlationem tediumque rei maleſ. physicæ ſ. moralis, itidem patet. Hinc per diuersos gradus explicari & velut emanare videtur hic amoris & odii affectus. Propriæ felicitatis ſtudium ſ. *amor ſui* generat *verecundiam*, *emulationem*, *zelum* e. q. i. *Amor proximi* incendit ad *gratum attimum* ſ. compensandi nilum, *venerationem*, ex conſideratione perfectionum alterius, *gratiā & misericordiam* i. e. ſtudium benefaciendi aliis, *placabilitatem* & quæ ſunt reliqua. Ex altera vero parte, ubi gravior ſentiatur averlationis modus, *iram*, *vindictam*, *invidiā*, *contemptum* & *borrorem*, cæt. proigiui, quotidiana teſtatur experientia. Ita autem hos omnes affectus ex amore & odio provenientes tractare debent præcones S. ut malos quoſvis non modo apud ſe, ſed quoque apud alios ſuffocare diſcant, honestos quoſvis coſinendaturi. Invidia enim & vindicta turpè ſemper judicabuntur affectus, quia ad mala aliis inferenda excitant animum; iram vero & contemptum, dummodo rem averlandam ſolam pro ſcopo habeant, nec personas tangant, licitas eſſe paſſiones, nullo negotio invenimus.

Quod porro bene obſervarunt alii, Oratorem ſua arte pollentem, miniūe contrarios aut plures una vice excitare, nec diu, aut ſine iusta neceſſitate commotos tenere debe-

re

re affectus, in primis autem sibi cavere, ne otiosis declamationibus aut nimio affectuum usui indulget in rebus, quae tranquillam requirunt mentis meditationem; haec & alia bene multa ex ipsa religious & animi humani natura intelliguntur.

§. 7. Ut rite affectibus uti pos sit Orator ad animos hominum efformandos vincendosque, addamus nonnulla *requisita* summi pere necessaria. 1) Animus ejus cum suis sensibus, moribus & affectibus sit totus religioni consecratus. Tum enim valebit jure *peccus est, quod disertum reddit.* 2) Enthusiasmus oratorius vividiori ingenii, phantasiæ, judicij & probitatis impulsu sufficiens, continua meditatione & lectione exemplorum in Oratoria arte laudatissimorum alendus est. Talia existant exempla haud pauca, MOSHEMIL, SAURINI, MASSILLONII, ZOLLEKOFER, BASTHOLM, SPALDING, JERUSALEM, STURMIL, REINHARD cæt. nec inter nostrates BÆLTER, NOHRBORG, PETERSON, EKMANSON cæt. meritissima sua laude defraudandi, Cæterum conferant lectors BASTH, *Predikof.* Cap. 38.

§. 8. Affectibus exprimendis præfertim inserviunt *Figuræ* orationis, de quibus affectum præcipiunt Rhetores. Nos vero præci puas & in concessionibus Sacris maxime ob vias delibabimus partes, in antecesum tamen monentes: 1) omnes figuræ ex naturali ho mi-